

Vaksdal kommune

Bergen, 26. februar 2020

Søknad om økonomisk støtte til utbetring av sti mellom Hamlagrø i Bergsdalen og Vending Turisthytte i Kvam kommune.

Bergen og Hordaland Turlag søker med dette støtte til utbetring av stien mellom Hamlagrø og Vending Turisthytte i Kvam kommune. Det går i dag T-merka sti på denne strekninga, men auka bruk og nye hytter i området fører stor slitasje i enkelte parti og tilrettelegging med fast underlag er nødvendig for å unngå ytterlegare slitasje på området. Arbeidet vert utført i samarbeid med Kvam Turlag, og er planlagt gjennomført i sesongen 2020.

Området

Bergsdalen er det mest populære turområdet med DNT-hytter i nærleiken av Bergen, med under to timars køyring til stistart. Området opnar dermed for kortreiste fjellopplevingar og ca. 400 000 har desse fjellområda som sine nærområde. BHT arbeider også med tilrettelegging av parkeringsplass ved Hamlagrøvatnet for å leggja betre til rette for turar i Bergsdalen.




Bilete 1: Rutenett i Bergsdalen med aktuell sti mellom Hamlagrøosen og Vending turisthytte markert med grønt.

Bergsdalen har dei siste 10-12 åra vorte utbygd med fleire sjølvbetente DNT-hytter slik at avstanden mellom hyttene er tilpassa barnefamiliar og kortare dags- eller overnattingsturar. Aktuelle hytter i området er (frå vest); Høgabu, Gullhorgabu, Alexander Grieg, Vending, Breidablik og Kiellandbu. Breidablik som hadde ny-opning sommaren 2019, har i løpet av ein

halvår hatt ca. 2000 besøk, og mange av desse går stien frå Hamlagrø via Vending og bruken og slitasjen er dermed aukande.

Hyttebesøket i Bergsdalen har auka jamt og trutt dei siste åra, og i 2019 var det over 7300 besøk (30% auke frå 2018). Det er svært gledeleg med auka besøk i området, men det fører også til ekstra slitasje og behov for å utbetre stiane på enkelte kritiske parti.



Bilete 2: Jamn auke i besøket på DNT-hyttene i Bergsdalen

Stien

Frå Hamlagrøosen til Vending er det om lag sju kilometer i lett terreng som tek to til tre timar å gå. Dette er den raskaste vegen å komme inn til Vending Turisthytte og er svært mykje brukt av barnefamiliar. Den ny-opna turisthytta Breidablik har hatt ca. 2000 gjestar sidan juli, og mange av desse legg turen til eller frå hytta via denne stien.

Området er myrlendt, og det vert svært lett gjørmete og folk går utanom gjørmepartia så stien vert stadig breiare. Det er lagt ut nokre plankegangar/kloppar i nokre særleg utsette parti. Plankevandringar fungerer greitt i heilt flate parti, men dersom der er stiging på stien eller plankane ikkje ligg vassrett, vert det fort glatt og vanskeleg å gå dersom det er vått eller is. Plankevandringar treng også regelmessig ettersyn og vedlikehald.

Bergen og Hordaland Turlag ynskjer difor å utbetre stien permanent ved å steinsetje delar av traseen. Dette har me



Bilete 3: Parti frå stien i dag

gjort med hell fleire andre stader, mellom anna på stien mellom Stølsdammen og Solrenningen i Stølsheimen.



*Bilete 4: Turgåarar velgje nye ruter og stien vert stadig breiare (venstre)
Glatte plankevandringar og folk går like gjerne utanfor stien (høgre)*

For å unngå at ferdsel, væte og frost arbeider med steinane og at sig skeive eller «forsvinn» ned i myra, trengs det store og tunge steinar. Det må difor flygast inn eigna stein, og arbeid



Bilete 5 Steinsett sti i Stølsheimen

bør utførast av kvalifisert personell, typisk av sherpaer. Dette aukar sjølvstekt kostnadane kort sikt, men me unngår hyppig vedlikehald, og resultatet for turgåarane vert betre. Steinsetjing av stien er berre aktuelt på særleg våte og gjørmete punkt, og me vil avgrense det til eit minimum for å minske naturinngrep og halde kostnadane nede. Ein godt steinsett sti vil kanalisere ferdselen og hindre unødvendig skade på naturen, og vil gjere turopplevinga betre for born og vaksne.


Økonomi

Stien startar i Voss Herad ved Hamlagrøosen, men det aller meste av denne stien går i Kvam Herad. Hamlagrøosen og Bergsdalen er eit viktig turområde for Voss, Kvam og Vaksdal, og betre tilrettelegging av stien vil vere til nytte for innbyggjarar i alle tre kommunane som gjerne har hytter og stølar i området, og for turgåarar som vil nytte dei flotte fjella. Søknad om støtte til stien vert difor sendt alle tre kommunane.

Budsjett for arbeidet med stien er vist nedanfor.

Budsjett, sti til Vending byggetrinn 1			2020
INNTEKT		PROSENT BRUKT AV INNTEKT	
Element	Beløp		100 %
Tippemidler	kr 610 000,00		
Kvam Herad	kr 200 000,00	SAMMENDRAG	
Voss Herad	kr 200 000,00	Inntekt totalt	kr 1 220 000,00
Vaksdal kommune	kr 200 000,00	Utgifter totalt	kr 1 220 000,00
	kr 0,00		
BHT Eigenandel	kr 10 000,00	BALANSE	
			kr 0,00

KOSTNADSOVERSLAG/BUDSJETT	
Element	Beløp
Prosjektering (dugnad)	kr 0,00
Innkjøp av stein (kr 1000,- pr T)	kr 200 000,00
Transport av stein	kr 100 000,00
Innleid arb, 800 t a kr 500,-	kr 400 000,00
Transport med helikopter	kr 400 000,00
Kost og losji 4 mann	kr 120 000,00



Framdrift

Denne første delen av sti-prosjektet er planlagt gjennomført i 2020.

Det er også venta at andre delar av stien må utbetrast seinare, men detaljerte planar og kostnadsoverslag for dette er ikkje klart per i dag.

Bruksrett

Signert avtale med grunneigarane om tilrettelegging og bruk av stien for 40 år er vedlagt.

Dugnadsarbeid

Det er minimalt med dugnadsarbeid på denne jobben då den bør utførast av profesjonelle steinarbeidarar.

Me vil med dette søkje Vaksdal kommune om kr. 200 000,- i støtte til utbetring av stien Hamlagrø - Vending. Per dags dato er ikkje anna finansiering bekrefta, men me søker fleire ulike sponsorar for støtte.

Ta gjerne kontakt for utfyllande informasjon.

Med vennleg helsing

Johnny Bjørge

Hytte- og rutesjef

Bergen og Hordaland Turlag